

NAMIBIA SENIOR SECONDARY CERTIFICATE

FIRST LANGUAGE THIMBUKUSHU ORDINARY LEVEL

4112/1

PAPER 1 Reading and Directed Writing

2 hours 30 minutes

Marks 70

2019

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question

MARAWERO NOMAPATHWERERO KWAMUHATI KUMAKONAKONO

- Tjange mahuthero ghoye muMbapira dhoKuhuthera edhi hana tapa.
- Tjange Nomora dhoDyango, Nomora dhaMuhati Kumakonakono noDina paMbapira dho Kuhuthera.
- Tjange nokatjangitho kothinadiwuru ngambi kokeru.
- Wa rughanitha thidhingununithe thomeyu-meyu.
- Huthe mepwero **ghomaheya**.
- Kuthotera kumashashero, yitoyadimukitho nomarongathaneno ghoyighamba.
- Mapenda gha pwa kutura mutuhaki [] kughuhura gho kehe dipwero ngambi mutara ghodipwero.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

MUTARA A

Toye thitoyamingwa kwishi no huthe mepwero ghana karanda ko.

Thitoyamingwa 1

Yikupetha yawakaAfrika mu kutjwayukera kuEuropa

Pañanyi hahongi pamañurushure hodiwo hana kurughana ghukungi mango mumañurumbara ghaEuropa. Hayaghuri kuna kuthigha makonga ghawo muyitetu ha ka kare hahingi matekishi (mataxi) mumadoropa ghomuEuropa. Haghurithi hohakamadi kuna kumbwangareka yitanda yawo ha ka kare hakomba-kombi mumadoropa ghomuEuropa. Ghudhindo munye wene-wene wonda mumihingo ghomidhiru dhi?

Kehe mwaka, hakaAfrika mumayovi ghawo shime ha ha kondjera mu kushana ghuparo mwene muEuropa. Yofuwerere po ne, hakafumu ho kuthigha hanuwawo nawanawo mu kushana eyi ya memenya. Hakamadi kuna kunyoheka handambowawo nawanawo hoyihoye yomukunguru hombere mumadoropa ghaEuropa ghushana didhimawe dyaEuropa.

Atwe twakuru wawanuke, ya tu tumbukera mu kuyevura ghutho wawanetu tu dhirukere mumatunga ghopanunda mu kushana kaye kokughayarera ndi? Eyi ne mbadi yihunga kuyipara yodiko. Nopamurandu eshi twa tunga mukaye komakutjakero payiwana, kodidhongi no kokuhokwa ghutungu ghowangu-wangu, thingi thawo kuna kupita mo ghukutupa mumaghukukutu, yinyanda notjitju kumutjima dho kushwagha kukwawo no ka tameka yipara yoyipya mudyango edi wa pira kukara rumweya dyonyinya omu ha kukondja kupiterera hatungimo homuditunga dyo mu kupara.

Kudi noyiyeramo yodiñurutunga yina ghurumuka, hakaAfrika ha tangire kutorora nomaghuru nomambapira ghokupitiitha pamururwani (mapasiporiti) no mbadi yimbangu yomatorwero. Ghushemwa ghoyikondjera yi ya kenine. Mu kukuma kuEuropa, hamwe hakaAfrika ha kona kutjinaghana mamboreya ghoghukarakathi ghaMorocco.

Hakafiyaghudhi ha ka kumine muCueta, mudyango dyawakaThipanye kumbombwa dhodikuruviya dyaMorocco. Oko, ko ha ka wa turire muñwato ha taterere yighatwera kumengeneno ghokukwidhera muThipanye. Yipo yawakadihudhi ya thigharire mbombo-mbombo kwishi dhodikuruviya dyaMediterranean. Hatjwayuki waheya, hakakushana maghuwa, hakakukutupa, ngambi nga kehe thino thitambo thawo, ya nyanda maghamweno gho kupitakana ndapero ngenyu. Ha pumbwa maghano, yirota, makutureromo noyikondjera yokufa no kupinduka mu kuthigha yokare no kuhangana yipara yoyipya.

Eyi yina kumoneka ne yikaritha yoyipya. Hatjwayuki waAfrika hodyarero dino kuna kwiya kuEuropa mbadi mu kuna wana makuhongo yira pakare, ene mu kuna kogha didhimawe dyaEuropa. Thingi thawaAfrika kuwakoka, parumweya, dighano dyokuyenda kumadoropa ghaEuropa no kurughana gha koghe masherenyi ghomengi gha ka pare thiwana kukwawo. Kudi noyi ya kara eshi masherenyi ne mangelene ghokaye kokaheya no mbadi gha taghura rudhi nomwaka.

Oru rudhi rorupya rwawamutundakure ho hana kuwana maghuwa ghokaye konungathano. Momu mumaviri 36 ghokakuma mumadoropa ghomuEuropa, kukona kutameka yipara yoyipya kukara ghukungi mumahotera ghomakuru. Ngambi nga ndjambi dhapo ne dhipu, mutamburi muhotera ghuredhu kutombora pawangu mumadoropa ghomuEuropa mbadi yira mumikunda, madoropa nomañurumbara ghomuAfrika.

Kenge keho edi yina kurimbi kundwa dhomumikunda edi dhina yeyuka muEuropa pamurandu wawatjwayuki awa hana kuvura mughudhindo, thikuma po ghupu ghoyirota yawatjwayuki homuAfrika. Hahepwe hokupira yirughana muEuropa kurundera wo meghero ghawamitundakure ho kukwidhera mo eshi ho ha retithi po maghukukutu ghawo. Nohamweya hohashako, kughumba ghuyeyura makonye kwawamutundakure homuAfrika, ghuwamona eshi ho ha retithi po ghukarakathi oghu ghuna kuyeyuka mumaparaghumbo ghawo.

Thingi thomatunga ghomuEuropa kuna kureta po miragho dhodhikukutu mu kukashitha hatjwayuki ho kughaya, ghuhepwe nodikuta dyawakaAfrika mu kwingena muEuropa. Matunga ghamweya ghaEuropa, agha gha yara nunderero dhoghutari, kutunda dikuruviya dyaCueva kudiya dyaMorocco, nomangengera ghaNorway, kuna kushana kukutetera hathinda mayindha nondarata, edhi ha dthingumutwedha nondarata dhomighunga, dhorutjeno nomafano gho kukevereritha.

(Adapted opinion piece by Taju Tijani, a member of editorial Board of National Daily, a weekly paper published in Lagos)

- 1 Huthe mepwero 1 (a) kate (c) pakutjanga ngenyu thighukañwato ethi thina kukuwa nodihuthero. Thitamenedhi: (a) A.
- (a) Mutjangi kuna kughayara eshi eyi hepithanga thikuma hatjwayuki ne ...
- A muhingo dhomakuhongo.
 - B yipara yodiko.
 - C yiyeramo yoditunga.
 - D mihingo dhoghunyambi. [1]
- (b) Mutjangi kuna thinganyeka eshi hanu kutjwayuka pamurandu kwatunga mu ...
- A mumikunda dhodhihepwe.
 - B mukaye komakutjakero payiwana.
 - C matunga ghashighambako.
 - D mango ghonyinya. [1]
- (c) Thitoyamingwa kuna kuthinganyeka eshi hatjwayuki kuwana maghuwa yoyishi ...
- A thingi thawo kukona ha yende kumaghumbo.
 - B hamweya kukara hashako pawangu.
 - C awo kutungipa wangu kupitakana thingi thawaEuropa.
 - D awo mbadi wa kutunga karo mumikunda. [1]
- (d) Yinye ghana kutambanga mutjangi nothighamba “hakaAfrika ha tangire kutorora nomapadhi nomambapira gho kupititha pamururwani (mapasiporiti) no mbadi yimbangu yomatorwero”. Tape ko yinu **yihatu**. [3]
- (e) Yinye eyi ghana shana kuyareka mutjangi nothighamba “wa nyanda maghamweno gho kupitakana ndapero ngenyu”? Tjwathanithe mumañando ghoye ghutapa yinu **yiwadi**. [2]
- (f) Tjwathanithe thitambo thamutjangi kumakurimbo mumuyirateta gho 8. Tape ko yinu **yiwadi**. [2]

[10]

- 2 Ghanekere eshi yowe mukevereri ghomururwani. Hana kwitha ghu ghambithe hamuregheya pashure dhomumukunda. Tjange keho thighamba omu sho wa tongwere thikakata tho kutjwayukera kuEuropa mughudhindo.

Muthighamba thoye tjwathanithe eshi ngepi hatjwayuki homuAfrika:

- ha kushwahuranga hathinda
- ha yakunukanga kununderero dhawo
- ha kutupanga mughukarakathi

Rughanithe mapathwerero agha hana kupa muThitoyamingwa 1 muthighamba thoye.

Ghure ghothighamba thoye ghu kare pakatji komañando **200 – 250**.

[20]

MUTARA B

Toye thitoyamingwa kwishi no huthe mepwero ghana karanda ko.

Thitoyamingwa 2

Thithimwetwedha thamuka Afrika ghomutundakure mu Europa

Mungawana Ahmedu ghana ndaghumukire mu Sicily kughuhura ghomayuwa ghokufu ghomumwaka wa 2014. Ahmedu Jalo oyu gha tundire ku Gambia ghana thikerire mudiya dya Sicily muñurumbara Catania munyima dhoruyendo rwendi oru rwa mu shimbire ghure ghomwaka ghofotji notughonda tuwadi. Muthikandho, hayendithiveta ha mu shururukithire pakumupongwera kumutara wawakakuregha muragho. Dipongwero diya dya mu turire muthitangadimba. Aye kuna kumuneghedha kumitara dhodhiheya dhonungathano dhopamupepo dhomuditunga dya Europa. Hayendithiveta honyinya hana kuroghithera kutenda yoyihe eyi ya wa fundhukera mu ka mu yakunutha mudiko dyawo no kumuhutha kuditunga dyawaka Afrika.

Apa ngenyu ghana kumine mu Europa, dighumbo dyendi dya karire kumbadi dhondhira dha Catania, ñurumbaraghana dho kuranda kuñurumbara Sicily. Kwa keñerire, aye karo mbadi gha karire noyitere yoyighenyu. Nga furungundhanga mumakandina mu kushana yidya no nga nwanga meyu ghomengi mu kupagha ndhara. Momu ghu mu pite dyo diyuwa kumepo, ngo mbadiko namunongo ghumweya ghomuka Sicily oyu gha mu neghedhire ku Mosgue (dyango dyo kuraperera) ko kukona gha ka wane ghuturo.

Ko twa na mu wanine Ahmedu munyima dhomayuwa ghomapu. Mupiterithi ghomatawero ghawa Muslim oyu naye gha tungire mu Mosgue, katughuru ghokunyanyukera hanu no kutambura thiwana hegenda, muka Arab yu yo gha tu dhingurithire diyugho di. Ahmedu naye yoghumwe ghopawamatundakure awa ghana wanine mo, gha ghamwenine kukenitha Mosgue mu kutapa fumwa. Po yi di eyi ya ni teturire yokukwendi. Gha monekire thiwana, edi gha kushimbire thinda. Ruyendo rwendi rorure mbadi rwa tjindjire nunderero noghutjima wendi. Kutunditha ko yinyanda yendi noyivata yendi yoghudjwaro yokuyadhima, shime gha konine kwimana nothikombitho thendi munyara yira yoyu gha di muyita nodighonga. Na henyine pepi no kughamba nendi. Gha monekire yira ghana kuyenguvura ghukutangareka. Apa na mwipurire dina dyendi, gha di tapire, yira wa kuhuthera muyendithiveta. Na ghambire karo nendi ghumenya-menya eshi ame name ne yame Ahmed. “Twa kunungathana”, dyo na ghambire. Pa karire karumwemweghana parupara rwendi.

Kwishi dhonunderero dhendi na kuyuvire eshi oyu ne katughuru gho kutetukitha noyithimwetwedha yo kutetukitha. Na kuturire mo mu kutenda rwipu-rwipu nendi, ene gha tundire po wangu-wangu. Diyuwa dyetu dyokuranda ko apa twa na kumine, mbadi ya monekire yira ghana kumoneka. Apa twa shanine kuthighuka, naye gha monekire. Mbadi gha shanine kughamba. Hamutundakure ha yi dimuka thiwana eshi ngeshi kughambaghura nawanumaghana ne ghukukutu ghuna kukukokera. Twa thinenekire no kutanga rwipu-rwipu rorure oku Ahmedu ye ghana nyeghenya. Mupiterithi ghomatawero ghawa Muslim gha hungumanine naye murwipu-rwipu, ene gha shwaghangire nopa-nopaya gha ka tambure funguna oku mo gha kenganga pakathinga koviri dhendi. Mbadi gha dimukire eshi ghupata gho kuhura papi ya retire yitenda yendi moyu katughurughana.

Ahmedu gha ghambire eshi aye ne yombedi, fumwa dhawakuru wendi nawaminendi. Gha karire nomakutureromo gho kuwana ghutungu mu ka kondjera eshi hakuru wendi ha ka kuhuthe, pofotji no ka ghamwena haminendi. Gha ghambire eshi: “Na shana kuwana yinu na kukashambererithe diko dyange”.

Wihe gha mu shwereghere ndhira dhodhiwa, kughutho ghopa gha fungurukire muruyendo rwendi romangangano rushiwana thishupo ngambi manyinga. Gha yendire mughambo waAfrika ghoghuhe ghu pita matunga yira Senegal, Mali, Burkina Faso, Niger naLibya. Ahmedu gha vurukire mayuwa agha ha mu turire mukashitiko hamaporitha hodomu-domu notjijtu edhi gha yuvire muyirama yendi pamurandu ghondhara. Mayuwa ghomengi gha parerire pameyu ngenyu. Gha shanine yirughana gha kare mughamweni wamukururi, kughuritha meyu ngambi kutapera yidya, eyi ya mu pire manyinga gho kurikanya mu kutamba kumango ghamweya. Gha kondjire thikuma gha pare, yoshidimuka eshi diyuwa munye mbo gha rundurura ruyendo ro kukoka kumaturo ghaEuropa.

Gha vurukire ghukukutu ghoruyendo rwendi apa ha kuthundarakanyine nawanu ho kukuma kudithere mukawatoghana, kumbadi dhodiya dhoghucuma waAfrika, kate kushana kudhama. Hakaruyendo wa kwa tambire kuEuropa wo hashiwana manyinga noyimbapira. Awo ne kwa karire ngenyu nodirura edi ha karanga nadyo hakaruyendo, mbadiko karo yimweya. Meyu gha puperire noyidya ya nukire maghori ghopetrol. Ahmedu mbadi gha kuyuvire thiwana. Kapupi kamanana, katoghana ka tangire kuvinyitha. Hakaruyendo ha wa rawerire mukurughanitha tundini twawo tokushimbera meyu ha yupe meyu mukato kughutho gho kuninga eshi ka dhame. Ahmedu gha kapuhire ghu yuva mepo, ndhara nomatamangero. Aye gha pwire kukavura pamaghamweno ghawarughani homudikuruviya dyaltaly no gha ka kumonine ko ne muSicily gha di.

Apa na mwipurire eyi ya mu tanarithire, gha huthire eshi matawero, ene thothikuru po ne yighayara yendi yo kutenda thinu ethi mbo thi ghamwena diko dyendi no kuningitha hakuru wendi ha kuhuthe karo. Mughushemwa ne, ditunga dyaEuropa di di mughukukutu wawangumbi awa hana kuna wendumukanga dya va dya tokera. Awo kuna kukumana mo mukukenga kudidhongi edi di di muAfrika, eyi yi di eshi dhonunderero dhomudhiru ghushipu.

Muraghoendithitha mwene gho kukarerera po ha ghu turithe po wangu-wangu. Kuthigherera hanu ha kufere mudiya dyaMediterranean ngambi kuwathigheneka ha ka tunge mumayira nondhara ne mbadi ghomashutwero mwene.

(Adapted from an article by Akbar Ahmed, Ibn Khaldun Chai of Islamic Studies, American University, Washington, D.C, The Islamic Monthly, February 20, 2015)

- 3** Kamunune yikurupera noyithimwa yawamitundakure homuAfrika ho kutamba kuEuropa thika dyodi hana yi shingonona muyitoyamingwa yiwadi. Rughanithe mapathwerero ghomuyitoyamingwa yoyiheya mukaturitha po dihuthero dyoye.

Ghure ghomakamweneno ghoye ghu kume kumañando **200 – 250.** **[20]**

- 4** Ghanekere eshi yowe Ahmedu. Tjange mbapira kwawiho omu sho mu tongwere yomakumeno ghoye noghuparo ghoye mudiya dyaSicily muñurumbara Catania. Rughanithe mapathwerero ghomuThitoyamingwa 2 no thi rundurure mughufughuri mumañando ghoye ghothinda.

Ghure ghombapira dhoye ghu kare pakatji komañando **200 – 250.** **[20]**

BLANK PAGE

BLANK PAGE

